

धर्मकीर्तिइ.....

(थी थी च्वमिपिसं च्वयातःगु म्ये व ज्ञानमाला मुना)



मुंम्ह व पिकाक
माहिला (ब्रह्मचर्य) शाक्य
यल, इलाननी





धर्मकीर्तिइ.....

(थी थी च्वमिपिसं च्वयातःगु म्ये व ज्ञानमाला मुना)



मुंम्ह व पिकाक
माहिला (ब्रह्मचर्य) शाक्य
यल, इलाननी

लय
नानीबाबु (ब्रह्मचर्य) शाक्य
च्यासःत्वाः, चिकंबही, (सप्तपुर महाविहार)

यल

प्रकाशक : माहिला (ब्रह्मचर्य) शाक्य
यल, इलाननी

पिथना न्हि: : २५४५ औं बुद्धजयन्ती
११२१ बछलाथ्व १५, सोमवा:

पिथना : न्हापांखुसी, द्व:छिगू

मूल्य : तका जक

कम्प्युटर : माधव खरेल

थाकू : बी.एस्. प्रि. प्रेस, लगनटोल, काठमाडौं ।

Dhamma.Digital

थुगु सफूया च्वमिपिं:

१) माहिला गुभाजु, २) बेखारत्न शाक्य, यल, ३) विवेकानन्द,
४) भिक्षु सुबोधानन्द, ५) भरत चित्रकार, ६) रत्नपुष्प, हबहाः,
७) माधवी, ८) संजय शाक्य, ९) पूर्णकाजी तुलाधर,
१०) ज्योति शाक्य, ११) ध्रुवकृष्ण दीप, १२) लक्ष्मीहिरा तुलाधर, १३)
श्यामसुन्दर के.सी., १४) धर्मरत्न शाक्य, 'त्रिशुली', १५) कवि दुर्गालाल
श्रेष्ठ । (धर्मकीर्ति, बौद्ध लय्पौ, विश्वशान्ति देंपौ आदि पत्रपत्रिकां मुनाः,
सिना: बसपोलपिनि 'नुगःस्वा' रूपी थ्व सफूचा संकलन याना:
प्राणीमात्रया भिंतुना: देछाया ।

- प्रकाशक

जिगु छत्वाःचा खँ

'धर्मकीर्तिइ.....' धयागु ध्व सफूचा जिगु मौलिक कृति मखु । 'धर्मकीर्ति' धैगु बौद्ध लयपतिइ पिहांवःगु जितः यःगु छुं छुं कवितात मुनाः सारय् यानातयागु बुद्धधर्मया ज्ञान गुण थुइकीगु खँत दुगु छुंछुं सकल जनपिनि न्ह्यःने ब्वयेगु मन जुयाः थन न्ह्यब्वयाचवना । थुकिइ ज्ञानमाला भजनया छुं म्येत नं संकलनय् दुथ्याकागु दु । अथे हे थःगु छुं भचा कविता व हनेबहःपिं कविपिनिगु कवितात मुनाः बुद्धजयन्ती २५४५ या लसताय् पिथनागु जुल । थुगु मुनाय् छुं छुं म्येत किजा भाजु नानिबाबु शाक्यजुं अतिकं मेहेनत यानाः लय्तयाः हालाः, हायेकातःगुया लिसें सफू पिथनेत नं यक्व ग्वाहालि याःगु जुल । अथे हे थुगु सफूचा सम्पादन ज्याय् ग्वाहालि यानाबिज्याःम्ह भाजु अष्टमुनि गुभाजु खः । निम्हसितं आपालं आपाः सुभाय् देछाया ।

चव्य पतिइ थुगु सफुतिइ खनेदुपिं कविपिनिगु नां धलः न्ह्यब्वयागु दु । गुगुं गुगुं कविताय् च्वमिपिनि नां सीके मफयाः छुतय् जूवंगु दयेफु । अथे छुतय् जूवपिं कविपिसं जितः क्षमा याइ धैगु भलसा कासे क्षमा प्रार्थना यानाचवना । ध्व सफूचा जिगु थःगु कृति मखु, सकसिगुं रचनात मुनाः छलपोलपिनि न्ह्यःने देछाये हयागु जक खः । गुकियात छफ्वः श्रद्धा स्वां भाःपाः लय्तायाः फयाः कयाबिज्याइ धैगु आशा यामे जिगु छत्वाःचा खँ थनसं दिकाचवना । सुभाय् ।

२५ ४५ औं बुद्धजयन्ती

भवतु सब्ब मंगलम्

माहिना : ब्रह्मचर्यः शाक्य

चिकंबहीया सन्दर्भय्

न्हापा ध्व थासय् चिकं दयेकीगु खः । ध्व थाय्यात लिकयाः खत्कोति ज्वनाबिज्याःम्ह ब्राह्मण छम्ह बिज्यानाः धर्मप्रचार यानाबिज्यासेलि न्हापालाक ईबही धैगु थासय् च्वनाः विहार दयेकेगु शुरु जुल । थनंनिसें ध्व थासय् हे न्यागू विहार स्थापना जुल । यम्पी महाविहार- ईबही, अनं वनाः कोन्ति बही धाःगु थासय् स्थापना जुल । अनं चिकंबही स्थापना जुल । धुकें न्हयगू विहार स्थापना जूगु जुल । उके ध्व थाय्यात सप्तपुर महाविहार धैगु नां स्थापना जूगु जुल । त्वाःत्वाःयापिं नं मिलय् जुयाः न्हयगू त्वाःया दथुइ स्थापना जूगु जुल । उकिं ध्व चिकंबहीयात सप्तपुर महाविहार धाःगु जुल ।

- माहिला (ब्रह्मचर्य) शाक्य

<u>कविता</u>	<u>पी ल्याः</u>
१. धःत धर्मं खंके	१
२. सरण वनेमाल	२
३. आरती	३
४. भ्नी मन् खः	४
५. त्रिरत्न म्हसीका	५
६. गौतम बुद्धया शरण	६
७. बुद्ध दर्शन यायेवा	७
८. जीवन छयले	८
९. धर्मे नुगःस्याःम्ह	९
१०. जीवन द्वंगु लैपु	११
११. भिं मन तथाः	१२
१२. शान्ति	१३
१३. जीवन	१४
१४. बुद्धया जन्मभूमि	१५
१५. धर्म लपु	१७
१६. भ्रान्ति	१८
१७. पलाः	१९
१८. छन्हु त्वःता वनेमानि	२०
१९. बुद्ध शरणया लैपु	२१
२०. स्वांया-पुन्ही	२२
२१. त्रिरत्न	२३
२२. बितय् जुइन	२४

२३.	त्रिरत्न वन्दना	२५
२४.	सुकर्म मार्गय् न्हयाःवनेनु	२६
२५.	नमस्कार	२८
२६.	भिक जीवन हनेनु	२९
२७.	सत्य मदुम्ह	३०
२८.	धर्म मदुम्ह काय्	३१
२९.	बुद्ध लुमंकाः शरण वने	३२
३०.	बुद्धयात प्रशंसा	३३
३१.	स्वागत म्ये	३४
३२.	सरण वनेमाल	३५
३३.	बांमलाःगु	३६
३४.	धर्मकीर्ति ! धर्मकीर्ति	३७
३५.	मनया बहिली	३८
३६.	श्व मनं खंकेमाः	३९
३७.	म्ये हालाः शरण वये	४०
३८.	विश्व हे लहरं छाल	४१
३९.	बुद्धया शिक्षा	४२
४०.	लुमंके वा	४३
४१.	श्व संसार	४४
४२.	रत्न त्रयाय	४५
४३.	सुखया लँपु	४६
४४.	अय् ज्ञानी पासापिं	४८
४५.	लुम्बिनी द्योःपिं	४९
४६.	लुम्बिनी	५०
४७.	फक्क मन बुद्ध जत्त वनेनु	५१
४८.	निर्भक्ता इ नित्रांण ध्यनीग् लप	५२

४९.	धर्म म्हसीके नु	५३
५०.	ज्ञानया मत	५४
५१.	धम्मपदया आधारे	५५
५२.	अनित्य स्वभाव म्हसीका तये	५६
५३.	बुद्धया शरण वये	५७
५४.	जीवन	५८
५५.	स्वागत दु गौतम बुद्ध	६०
५६.	साधु भेष	६१
५७.	बुद्ध लुमंका:	६२
५८.	ज्ञानं थुइकि	६३
५९.	मानय् याके वा	६४
६०.	अनित्य लुमंका:	६५
६१.	नरसिंह-यशोधरया मिखाय्	६६
६२.	छिगु हे शरणे	६७
६३.	यंकेगु मदु छुं हे	६८
६४.	बुद्धया गुणगान	६९
६५.	स्वागतम	७०
६६.	त्रिरत्त	७१
६७.	शंखधरया शंख-स:	७२
६८.	ज्ञानया लेंपु	७३
६९.	शीले च्वना	७४
७०.	बुद्ध वन्दना	७५
७१.	भीगु कर्तव्य	७६
७२.	कर्मया शीला	७८
७३.	श्रद्धाञ्जलि	७९

बुद्ध जयन्तीया

बही बाहा: यलया बौद्ध मुना:
भिङ्गु भावनां भित्तुना जिमिसं याना ।

बौद्ध सकल जिपिं थन मुना:
न्येदँ धना: न्येच्छदँ ब्यंगु ।

धौया धुगु शुभ बुदिसं
सुभाय् छन्त हाकनं बियाच्चवना ।

धुगु सप्तपुर महाविहारं हनाच्चवना
स:थे धुउथें लसकुस यानाच्चवना ।

थःत थमं खंके

भीगु ध्व जीवन अनित्य खंकाः
दुने दुने च्वंगु चित्तया ज्ञानं खंकाः

सत्य धर्मयात लुमंकाः मिखां स्वयेमाल
बाकी दुगु जीवन, भिंकाः वनेमाः

ख्युंगु जीवनयात, तुयुगु रश्मिं खयेकाः
भीसं भीगु लँ भिंकाः बांलाका वनेमाः ।

शुद्धगु मन ज्वनाः बुद्धया सरण वनेमाः
सहयाये मफैगुलिं बचेजुडुगु ज्ञान लायेमाः

सुख दुःख धैगु हे, धर्मया ज्ञानया माला
उकी भीत धर्मया किचलं, दायेका च्वनेमाः

अले भीत बुद्धया रश्मिं खयेकाः च्वने दै
थुगु जन्मय् मखुगु यातसा, कर्मया कथिं छु याइ न्हां ?

सरण वनेमाल

दं दं पासापिं ह्याउं निभाः त्वल
बुद्धया उपदेश न्यवने त्यल ।

मनुष्यया जन्म सार यायेत
न्यागू शिक्षा काःवने त्यल

ज्ञानया मिखां स्वयाः धर्म खंकेमाल
न्त्यःकुलु जुइमजिल न्ह्यलं चायेके माल ।

शुद्धगु लँपु ज्वनाः सरण वनेमाल
अन्याय अकृति हाकृतिने माल ।

बुद्ध धर्म संघया शरण वनेमाल
धन शान्ति मदयाः हैदान जुल ।

अशान्ति जक धन फैलय् जुल
भगवान् बुद्ध विनाः शरण मन्त

भी सकलें बुद्धया शरण वनेवा
धर्मया शरण्य् भी वनेवा,
संघया शरण्य् भी वनेवा ।

आरती

आरती याये प्रभु सर्वज्ञ बुद्धया
भावभक्ति जिमिसं अथे मसिया
सप्तपुर भजनसं द्वं बिदों क्षमा यास्य ॥ आ ॥

मसः मस्यूपिं जिपिं मुनाः, क्षमा जिमिसं फ्वना ।
सयेके सिइके बुद्धया ज्ञान, भतिचासां लाये धकाः ।
अज्ञानी जिपिं मुनाः बुद्धया ज्ञान थुइके धकाः ॥ आ ॥

ज्ञांः मदुपिं ध्वां जुयाच्चनापिं
पंचशील धयागु ल्वःमंकाच्चनापिं
न्याता रङ्गया बसे भुलै ज्ञयाः काःपिं
च्याता सवाःले म्ये तुइकाः मोहले लाःपिं ॥ आ ॥

Dhamma.Digital

ध्व वैज्ञानिक बखते मिखाया लिमलाःबले
थौं थन वया ज्ञान लायेगु आसय्
सप्तपुरया सप्तबुद्ध म्हसीकेत जिपिं वया
नमो बुद्ध, नमो धर्म, नमो संघ, सरण वया

भी मन् खः

ज्ञानया बुद्धि तन्यवं न्ह्याबलें

धर्म तनिगु रत्न तनी थें

धर्म तन्यवं पाप न्ह्याःवै थें

सुख भीत दैगु गन अले ?

भी मन् खः २ ज्ञानं खंके

वनेनु शरण बुद्धयाके ।

ख्युंगु थासय् स्वयेत मन थें

जीवने माःगु बुद्धि भीत

बुद्धि भीगु रत्न थें खः

थुइकाः ज्ञानं सीका च्वनेमाः

भी मन् खः ज्ञान दयेकाः

वनेगु शरण धर्मयाके ।

थःम्ह मालिक थःहे धैगु

थ्वीकाः सीकाः यायेगु कुतः

मुक्त ज्वीत थः थ्व दुःखं

थःगु हे ज्ञानं बःकयाः

भी मन् खः २ ज्ञान दयेकाः

वनेनु शरण संघयाके

त्रिरत्न म्हसीका:

भीगु ध्व पिनेया मिखां स्वये थें
दुने नुगलं खंकेनु ज्ञान भीसं
बुद्ध धर्म व संघ लुमंका:
ल्यं दुगु जीवन भिंका वनेनु ॥

ख्युंगु चान्हे मत च्यायेवं हे
भीसं भीगु लँ खंक्क्य फैगु थें
खंका: वनेनु शुद्धगु चित्तं
बुद्धयागु अमृत वचनं धा:थें ॥

सुख दु:ख भीत किच: समानं
न्हिं न्हिं ल्यू ल्यू वयाच्चनीगु
सुख व दु:खया हेतु थुइका:
थ:त थम्हं म्हसीका च्वनेनु ॥

थुगु जन्मे धर्म मखंसा
भिनीगु गबले भीगु जीवन
सदां लुमंका: धर्मे च्वना:
त्रिरत्न म्हसिका: भी वनेनु ॥

गौतम बुद्धया शरण

द्यो तुइया वल, न्हिला: न्हिला: .
स्वांया पुन्हीया ज: ज्वना:
शुभ-मङ्गल दिन थ्यंक: वल
पवित्र हिमालया फसं गायेका: ॥

निर्वाण मार्गया लँपु लुइका:
जन्म मरणया कं चीका:
द्यो व मनुखया गुरु जूम्ह
गौतम बुद्धया शरण वनेवा ॥

फर फर बौद्धया ध्वाँय् ब्वयेका:
बुद्धया शिक्षा प्रचार याना:
शान्ति मार्गया पुसा ह्वला:
उत्सव यायेनु लय्लय् ताया: ॥

थ: कत: सकलें भिनेमा धका:
बुद्धया शिक्षा पालन याना:
थुगु जन्म भिंका: सफल यायेत
बुद्धया शरणय् भी वनेवा ॥

बुद्ध दर्शन यायेवा

- भिक्षु सुवोधानन्द

भी वने वार, बुद्धया दर्शन याःवने वा ॥ धु ॥
वस्पोलयागु सत् उपदेश
भीसनं पालन याये वा ॥
बुद्धया धर्म दुर्लभ लोके
सीकाः शरण कायेत वा ॥ १ ॥

अहिंसा सत्य शान्ति शील
वृद्धि यायेत ग्वाहालि वा ।
लोके थुजाःगु धर्म मदेकं
शान्ति दैमखु दयेके वा ॥ २ ॥

Dhamma.Digital

बुद्धजुं फुक प्राणिपिन्त
क्यना थकूगु धर्म याये वा ॥
विश्व-मैत्री भातृ प्रेम
दया पूर्ण जीवन हने वा ॥ ३ ॥

जीवन छ्यले

- विवेकानन्द

जीवनयात भिंक छ्यला का ।
मखुसा कुचालं भीत दुःख बी ॥

रीस राग नुगले दतले ।
शान्ति गुबलें दैमखु नुगले ॥

लोभ द्वेष नुगले च्वँतले ।
ल्लापु ख्यापु तनिमखु गबलें ॥

ल्लापुया बीज लोभ व द्वेष ।
ध्वीकाः वांछो जगतं पुइक ॥

धर्मे नुगःस्याःम्ह

जन्म दिने हे दान मयाःम्हं ।
याइगु गबले वं धर्म थन ॥

थःत भिंकेगु थःम्हं मस्वःम्ह ।
भिंकीगु गुबले वं मेपिन्त ॥

बुद्दाया अवस्थाय् यायेगु धकाः ।
ल्याय्म्ह बखते पाप याइम्ह ॥

आयु गुलिदु सीके मफुम्ह ।
सिहे सिइसा यायेगु छु धयाजुइम्ह ॥

भविष्यत् जुइगु थः दुःख लुमंकाः ।
इले हे धर्म याये मसःम्ह ॥

ज्याया अनुसार ज्याला दै थें ।
धर्मया फल नं दइगु मस्यूम्ह ॥

धर्म मदुम्ह नरपशु जुयाः ।
पृथिवी इवातुक जन्म जुयाः ॥

सूर्ययात सुपाचं की थें ।
ख्युंकल जीवन जन्मया ॥

नुगः स्यास्यां मुंकूगु धन ।
असत्य लँपुइ व्यर्थे फुकाः ॥

थः परिवारं धिकार धायेकाः ।
थः मचातयसं न्वाकाच्चंम्ह ॥

सहारा मदुम्ह पशुथें जुयाः ।
लोकया न्ह्योने थः कुचायेकाः ॥

स्याःगु नुगलं सराप बिइवं ।
न्ह्यलं चाःथें पस्ताय् चाःम्ह ॥

Dhamma.Digital

जीवन द्वंगु लँपु

अय् महामानव बुद्ध छं ।
अज्ञानीपिन्त ज्ञानं खंका बिल
दुःखं भयबियाच्चंगु जीवनयात
मुक्ति जुइगु लँपु क्यनाबिल छं ॥

सदां सुख दइगु आशया नितिं
लोभ व तृष्णाया जालय् तक्यनाः
म्वानाच्वन थौ स्वार्थया नितिं
इतः मतः कनाः ब्वाँय् जुल भःन्हयाः ॥

बुद्धं कनाबिज्याःगु लोमंकाः
द्वेष व इर्ष्या भावना ब्वलंकाः
थःत थमं महमसिकाः तंकाच्वन
जंजाले तःकेनाः सुख धकाः च्वन ॥

थ्व चञ्चल मनयात् वसय् तयेत बुद्धं
च्वने छिंगु थाय् छकू बियाबिल छं
पाप धर्म व कर्मया बाखं कनाः
भिंगु लँपुइ जिमित छोयाबिल छं ॥

भिं मन तथा:

वरदानयागु लोभ मयासे
निर्वाणयागु लँपुत माला:
धर्मे दुगु बुद्धिं चायेका:
शरण वनेगु, ध्वहे धका: ॥

थिलकि प्वीगु मि धका: स्यूसां
मदय्कं मगा:गु मि थें भीत
दान यातकि धन पा: जूसां
वहे धर्म ख: भीत मा:गु ॥

संगत यायेगु, सज्जन धा:पिं,
थ:त: भिंकीगु ज्ञान कनीपिं
लोभ व द्वेष छुंहे मदुम्ह
ब्यूगु दाने सन्तोष जुइम्ह ॥

ध्व भवचक्रं तरे जुयावंम्ह
बुद्ध तथागतयात लुमंका:
राग, द्वेष व मोह मदय्का:
शरण वनेगु ध्वहे धका: ॥

शान्ति

थौ भीसं खनाच्चना न्ह्याथाय् स्वःसां अशान्ति
अशान्ति हे जुल थौ मानव जीवनया दुर्गति
धन, सम्पत्ति, ऐश आरामय् जुयाच्चन आसक्ति
उकें, मानव मानव बिचय् जुयाच्चन थौ तःधंगु क्रान्ति ॥

मानव जुयाः जन्म कायेगु खः धार्थे दुर्लभ
जन्म जुयाः मानव याये नु जीवन सार्थक
थह्मं थःत म्हसिकाः जीवनयागु अर्थ थुइकाः
मन हे खः ध्व, गुकें याइगु जीवन सार्थक ॥

अशान्तिया बीज राग, द्वेष, मोहयात वांछ्वये नु
शान्तिया पासा मैत्री, करुणा, मुदिता, उपेक्षयात
नालाकाये नु भीगु जीवनयात ल्वःगु
भगवान् बुद्धया उपदेश पालन याःवने नु ॥

जीवन

अमूल्यगु भीगु जीवन
ध्वैत बांलाक होस तथाः ॥

बांलाःगु व निर्मलगु
जीवनयात होश तथाः वनेनु ॥

मां बौ सेवा यानाः जीवन हनेनु
ध्वैत भीसं कर्तव्य थुइकाः पालन यायेनु ॥

सयेकाः थुइकाः वन धाःसा जुइफु सकतां
वैत भीसं मखुथाय् छवये हे मजिल ॥

फ्वनां दैगु मखु भीगु ध्व जीवन
ध्वैत म्हसिइकाः सितिं छवये मजिल ॥

दुःख, सुख न्ह्यागु यानाःसां बांलाकेमाल
हथाय्चायाः वने मजिल, थुइका कायेमाल ॥

बुद्धया जन्मभूमि

दुर्लभगु जन्म, अमूल्य रत्नथे
बुद्धया जन्म थन जुया वन ।

नेपाः ध्व भीगु तिमिला धीथे
विश्वया न्ह्यःने थिना च्वन ।

फर फर ब्वःगु बुद्धया ध्वजां
शान्तिया मार्ग वयनाच्वन ।

अमृत समानगु बुद्धया वचन
बौद्ध जगतं येका च्वन ।

मत जः दुथाय् ख्युंगु तनीथे
धर्मया चित्ते पाप तथे ।

न्हूमह सूर्घो लुइका कायेथे
कायेनु बुद्धया गुण लुमंकाः ।

रोग लनेवं स्याःगु तनीथे
द्वेष मदेवं शत्रु तनीथे ।

थःत थमं हे खंके फुगुथें
सुखया किचलं गाय्के दुगु थें ।

सत्य अहिंसाया धर्म ज्वनाः
जीवन थःगु भिंका वने ।

ज्ञानं खंकाः बुद्धिं चायेकाः
उपकार भ्नीसं याना वने ।

पञ्चशील पालन यानाः
आचरण थःगु भिंका वने ।

सत्यया मार्गय् पलाः छिनाः
कंथं मकयेक न्ह्याःवने ।

Dhamma.Digital

धर्म लपु

न्हायूकं स्वयेवं थःत खनीथें
धर्मया ज्ञानं थःत म्हसीकाः
बुद्धं थःत थःमहं भिंकूथें
भिकेमाः भीसं बुद्धिं चायेकाः ॥

तिकितिकि लखं घः जायूकी थें
भति भति यानाः धर्म मुंकाः
मनया खिति चुइका छूवयेमाः
मभिंगु क्लेश न्हिकया छूवयेथें ॥

वांछूवया बीमाः पाप धकाः
मत दयेवं ख्युंगु तनी थें
धर्मया ज्ञानं थःत खंकाः
बुद्धं थःगु जन्म म्हसीकूथें ॥

धर्म यायेनु भीसं म्हसीकाः
पिनेजक धर्म यानां छुयाये
बुद्धं सकसितं भिंगु लँ क्यथें
क्यनेमाः भीसं नं सदां सदां ॥

भ्रान्ति

मनू भी दुःखि जुयाच्चवनापिं
तृष्णाया जाले लानाः त्वःते मफुपिं
थःत थमं खंके मफयाः जाले लाःपिं
जनमया हाकनं चाकले लाइपिं ॥

थःयात थमंहे चीकाः कुंका च्वंपिं
मृत्यु मण्डले चाःचाः हुलीपिं
भ्रान्ति चित्त मोहले प्यपुनीपिं
मायाया बन्धन चफुइ मफुपिं ॥

पार गथे ज्वी दुःखी मानवपिं
माया मोहया बन्धने लानाच्च्वंपिं
जन्म-जरा-दुःखया जाले क्वच्छूपिं
तःसकं बांलाः धकाः प्यपुने यःपिं ॥

अनेनेगु जलि फसय् जुयाच्चवनीपिं
पार गथे ज्वीगु भगवान् जिपिं ॥ धु ॥

पलाः

ज्ञानया मत च्याकाः वनेनु ।
ख्युं थाय् मदयेके नु
शान्तिया पलाः न्ह्याकाः वनेनु
अमूल्यगु ज्ञान लुइके नु ॥

लुम्बिनी जंगले तेज लू धें
भीसं नं ज्ञानं लुइके नु ज्योति
राग, द्वेष, मोह, हाकुतिनाः छ्वयेनु
शान्तिया मतः ज्वनाः वनेनु ॥

बुद्धया विहारे भीपिं वनेनु
पापि जुयाः च्वंपिन्त ज्ञान बियेनु
शिक्षा ज्ञानया पंखां गालेनु
सिद्धमानिगु थुइकाः शरण वनेनु ॥

छन्हु त्वःता वनेमानि

जन्म जूगु दिननिसें
जिन्दगीया बाखं शुरु जुल
मचा ल्याय्म्ह व बुढा जुयाः
वनेमानि छन्हु थनं तोताः ॥

खाली ल्हाःतं वयागु खः
खाली हे ल्हाःतं वनेमानि
अनित्य थ्व संसारय्
ज्वना वने ज्यूगु छुं चीज मद्दु ॥

यःगु धैगु सम्पत्ति फुक्कं
त्वःता थकेमानि थनसं हे
सम्पत्ति न्ह्याक्व हे दःसां तबिनं
आखिर यंके फैगु छुंहे मखु ॥

थमं यानागु कर्मया फल
ल्यू ल्यू न्ह्यःन्ह्यः वयाच्चनी
भिंगु कर्मया सुख भिंहे जुयाच्चनी
परोपकारयात धर्म भाःपियाः ज्या याये ॥

बुद्ध शरणया लँपु

भीगु निम्तिं बही बहा: धैगु
बुद्ध शरणया, लँपु ध्वहे ख: ।
पाप चीकेत, पुण्य यायेत
दयेका थकूगु, पुण्यभूमि ध्व ॥

अहिंसा करुणा, सत्यज्ञानया
प्रख्यात जूगु, धर्मया चिं ध्व ।
सुरक्षा यायेमा: फुक्क, विहार
मानवया थन कर्म सुधार ॥

हिंसा कुकर्म याये मत्य: थन
अहिंसा सत्य, धर्म यायेमा: ।
श्रद्धा नुगलं, बहा: पूजा वया
बुद्धया गुण, भावना याना: ॥

संघपिनिगु, ल्यूल्यू वना: भी
विश्वे धर्मया, प्रचार यायेनु ।
धर्मया शिक्षां फुक्या शान्ति
जगते न्ह्याबलें मंगल जुयेमा ॥

स्वांया-पुन्ही

दँ दँ पासापिं याकनं दँ
स्वांया-पुन्ही थौं स्वांया-पुन्ही ।

अल्छिं भुनाः अज्ञानं तोपुयाः
गुलि भीपिं च्वने सकलें दँ ।

नुगलं चायेकाः अज्ञान तंकाः
लुम्बिनी वनसं बुद्ध ब्यूगु थौंहे दँ ।

स्वार्थं स्वतिकाः द्वेषं क्वचीकाः
मोहं क्वचीकाः गुलि च्वने दँ ।

तृष्णां न्ह्याबलें कुचुकुचु नकेथें
बुद्ध वयाः थौं चायेकाब्यूगु दिं ।

बुद्धं ब्यूगु ज्ञान लुमंकाः
शरण वनेत सकलें दँ ।

त्रिरत्न

बुद्ध धर्म संघ बिनाः मदु जिमित शरण
भव भय दुःख फुकेत पूजा जिमिसं याःवया ॥ १ ॥

पारमी फुक्क पुरेयानाः पञ्चमार जिते यानाः
बुद्ध जूम्ह सर्वज्ञया भावभक्ति याःवया ॥ २ ॥

कोटि अनन्त बुद्धपिनि-बोधिवृक्ष मूले च्वनाः
गाथा उदान ध्वहे ब्वनाः माक्व तप पूर्ण यानाः ॥ ३ ॥

अनेक जात जन्म जुयाः, घोर घोर दुःख सियाः
माला जुया बारंबार खंके मफु गृहकार ॥ ४ ॥

आः जिं खन हे कालिगर- तृष्णा निर्मूल यायेधुन
संसारयागु चित्त आः जिं, जुयेधुन असंगत ॥ ५ ॥

सूर्यकोटी रश्मि दुम्ह - आकाशथे गुण दुम्ह
छको लोके हानं जन्म ज्वी हे मखु ध्व अन्तिम ॥ ६ ॥

भक्त भीपिं सकल मुनाः यायेनु पासा गुणगान
दुर्लभ ध्व नरजन्म-फुकेमते व्यर्थ नं ॥ ७ ॥

बितय् जुइन

जीवन बितय् ज्वीन प्राणी
जीवन बितय् ज्वीन प्राणी, भगवान् भजनया प्राणी
खालिं वया थ्व जगते, खालिं हानं वने मानी ।

घडी घडि क्षण क्षण, बितय् जुजुं फुइन
बुद्ध शरण वने धका: गर्भनं प्याहाँ वया ।

माया जाले भुले जुजुं, फुइन थ्व शरीर
त्रिरत्नया नाम काव, बुद्ध धर्म संघ धका:
ज्ञान माला हाला चोना लोमंके मज्यू धका: ।

ज्ञान धैगु तंके मज्यू, लुइकु लुइकु वनेमा:
अज्ञानी थ्व शरीर बांला:थाय् छोयेमा: ।

त्रिरत्न वन्दना

बुद्ध धर्म व संघ लुमंकाः
त्रिरत्नया शरणे भी वनेनु ॥

धौ ध्व युगय् भी पापे दुबिनाः
गुलिजक दुःख सिया च्वने ॥

ल्यं दुगु जीवन धर्मे च्वनाः
न्हापायागु पाप फुका छ्वयेनु ॥

रीस-राग व द्वेषत तंकाः
मैत्री भावना भी ब्वलंके वा ॥

महा मानव बुद्धं क्यं थें
शान्तिया जः भीसं खंकेवा ॥

तृष्णा दुःखया कारण खः
मदयेका छ्वयेनु तृष्णा धौ ॥

शील समाधि प्रज्ञाया स्वां
होयेकाः नुगले न्ह्याः वनेनु ॥

सुख दुःखया चिन्ता मयासे
सदाचार बलं पार जुइ वा ॥

बुद्ध धर्म व संघ लुमंकाः
जीवन ध्व भीसं भिंके वा ॥

सुकर्म मार्गय् न्ह्याःवनेनु

- भरत चित्रकार

मनूया भावना मनूनं हे मथूपिं भीपिं
मेपिं प्राणीया भावना थुइगु नं गथे ?
धर्मया ख्वाःपाः ख्वालय् जक पुयाः
मूर्ति पूजा यानाःजक पुण्य दैगु नं गथे ?

मनय् वैरभाव तयाः न्ह्यूख्वाः जक क्यनाः
खुशी व सुखी धैगु भीके दैगु नं गथे ?
अन्याय व अत्याचार यानाज्वी सदां हे
अले, शान्तिया किचः धैगु भीके दैगु नं गथे ?

थःगु क्रोधयात थम्हं त्याके मफुपिं भीपिं
ल्वय् वइगु ज्या यानाः निल्वगीया कामना यानां जक जीला ?
कतपिन्त क्वःथला. थः लय्ताइपिं भीपिं
सकसितं दुःख बियाः भीत जय जुइला ?

धर्मात्मा धायेकाः नां जक ध्वयेकीपिं भीपिं
जाकिं पूजा यानाः जक धर्म जुइला ?
स्वार्थया नितिं हत्या याइ भीसं ल्वहँया मूर्तिइ
निर्दोष प्राणीपिन्त ख्वयेकाः द्यः लय्ताइला ?

अय् जूगुलिं धर्मया मर्म थुइकाः भी सकलें
आः कुकर्म, यायेगु ज्या सदां त्वःता वनेनु
मन, वचन व शरीरं सुयातं कष्ट मयासे
सुकर्म यानाः सदां भी आः न्ह्याः वनेनु ।

Dhamma.Digital

ग्वारा ग्वारा दायाच्चंगु
विशाल दुःखया सागरे ...
थःथवं हे दुःख्य् भन् भन् दुबिनाच्चंपिं
सकल प्राणिपिन्त अन्धकारं पित हयेत

चतुआर्य सत्यज्ञान बियाबिज्याःम्ह
छःपिं गौतम बुद्धयात नमस्कार ।

नित्य थ्व संसार भाःपियाः सुखया खोजे
क्षणिक भौतिक विलाशी जीवन हनाः
जीवनया यथार्थतायात ल्वःमंकाच्चंपिन्त
अनित्य दुःख अनात्मायागु ज्ञान इनाबिज्याःम्ह
छःपिं गौतम बुद्धयात नमस्कार ।

Dhamma.Digital

चेतनशील प्राणी जुयाः नं बेहोस जूपिं
थःत थःम्हं म्हसिके मफ्युकाः
जीवनया हरेक पलाः पतिकं
मैत्री भावना व शान्तिया मार्ग क्यनाबिज्याःम्ह
छःपिं शान्तिनायंक गौतम बुद्धयात नमस्कार ।

भिक जीवन हनेनु

भीपिं सकलें मिले जुया: अन्धविश्वास तोता:
सम्यक् जीवन हनेनु ।

जागृत भीपिं जुया: सयेका व सीका:,
शुद्ध धर्म छुख: ! वहे कायेनु व थुइका:
बाज्यां धा:गु, अबुं कंगु, जक धयां मजिल आ:
खं: मखु ल्यया: कायेनु ।

ततमत: केनाच्चंगु भीगु रितिथिति
अलमले जुया: फ्वीन भीगु तिथिमिति,
मा:गु जक हनेगु म्वा:गु तोता छुवयेनु,
थथे याना: समाज न्ह्याके नु ।

कतपिंगु दोष जक भीसं खने मजिल,
थ:थ:गु अवगुण नं भीसं तोतेमाल
हृदयया आकाशे सम्यक् रश्मि खयेका:
थ:थ:गु जीवन भिकेनु ।

चतुआर्यसत्य छु ख: बुद्धं कनाबिज्या:गु,
अष्टांगिक मार्ग छु ख: शास्तां क्यनाथकूगु
थ:थ:गु जीवन हनेनु ।

सत्य मदुम्ह

अत्याचारी मनूतेगु बिचे
म्वायेगु हे बेकार खनी
उकिं धा:गु बुद्ध बचनं
मूर्खया बिचे जन्म मज्जीमा ।

त्य:गु मत्य:गु ज्या खँ याना:
मनय् अशान्ति फैले याइ
सारगु ज्ञान छुं मदया:
व्यर्थ जीवन फुका च्वनी ।

पाप खना: मग्ग्याइपिं
लाको पाको सना ज्वीपिं
लिपासं ख्वया: पछुताय् चाया:
दु:ख भोग यानाच्वनी ।

धर्म मदुम्ह काय्

म्हितेगु दतकि नयेहे म्वायेक
थःगु छैं सतः थें जुइकाः
माःगु ज्याखँय् वास्तामतसे
बाबु छं छैं छुयाये त्यना ?

मां व बौयात दुःख सीकाः
सेवा याये पलेसा हत्तु हकाः
कलाःयागु खँ जक न्यनाः
बाबु छं छैं छु याये त्यना ?

अबुया सम्पत्ति खुया यंकाः
प्याखं स्वयाः म्हिताः फुकाः
अय्लाः त्वनाः बौलिसे ल्वाःवयाः
बाबु छं छैं छुयाये त्यना ?

मांबौपिनिगु इज्जत मियाः
धर्म धालकि विरोधी जुयाः
मांबौया अर्तिइ न्हाय्पं मब्बुसे
बाबु छं छैं छु याये त्यना ?

न्हिं न्हिं धयाथें ल्वापु थयाः
विवेक बुद्धि मदयेका जुयाः
मांबौया गुण ल्वःमंकाः छं
बाबु छं छैं छुयाये त्यना ॥

बुद्ध लुमंकाः शरण वने

प्रभात वल न्हिलाः न्हिलाः
स्वांया पुन्हीया जःज्वनाः
शुभ-मङ्गल दिन थ्यंकः वल
पवित्र हिमालया फसं गायेकाः ।

निर्वाणमार्गया लँपु लुइकाः
जन्म मरणया कं चीकाः
द्यः व मनूया गुरु जूम्ह
गौतम बुद्धया शरण वने नु ।

फरफर बौद्धया ध्वाँय् ब्वयेकाः
बुद्धया शिक्षा प्रचार यानाः
शान्ति मार्गया पुसा ह्वलाः
उत्सव यायेनु लयल्यतायाः ।

थः, कतः सकलें भिनेमा धकाः
बुद्धया शिक्षा पालन यानाः,
थुगु जन्म सफल यायेत
बुद्धया शरणय् भी वने नु ।

‘नमो तस्स भगवतो अरहतो सम्मा सम्बुद्धस्स’

बुद्धयात प्रशंसा

जय जग हितकारी, जगत हितार्थया चारी
धन-जन थव नारी, त्यागयानाः राज भारी
भाल अन भव पारी, विश्वया बन्धु कारी
अतिशय तप धारी, शान्ति शास्त्रे विचारी ॥ १ ॥

कष्टया अनुभव धुंका, अमृत वचन मुंकाः
जगते बिल प्वंका, चित्तय् सुख ह्वेकाः
करुणाया ध्वज ब्वेकाः चित्तया पुष्प ह्वेकाः
धर्म-पद बिल दयेकाः, ससैन्य मार ख्वेकाः ॥ २ ॥

श्रद्धया थल भीसं ज्वनाः, भिरत्नया शरणे वनाः
फ्वनेगु बिन्ति यानाः, प्रज्ञाया आश यानाः
जुयनु सदां सकलें भीपिं वसपोलया सेवा यानाः ।
थवगु मन न्ह्याबलें, चित्त शुद्ध याना तये फयेकि ॥ ३ ॥

स्वागत म्ये

सप्तपुर विहार भगवान बुद्धं स्थापना
श्रावण षष्टमीसं वर्षावास प्रारम्भ जुल ॥

शान्ति ब्यूवःमह बुद्ध, भगवान्या शरण वया
स्वागत स्वागत सकलें, दाजु किजा तता केहेपिं ॥

ल्हाः बिन्तीयानाः भगवानया न्ह्योने च्वनाः
बुद्ध व धर्म संघया शरणे वया जिपिं ॥

अज्ञानी जिपिं छुं मस्यूपिं शरण वया
स्वागत स्वागत सकलें, विद्वान् जनपिन्त ॥

नु नु सकलें थुगु विहारे सप्तज्ञान लायेत रे
दुःखं जायाच्चवंगु थुगु संसारे भतिचा जूसां ॥

पुण्यया सार कायेत थुगु विहारे वनेनु
संसार चक्रं छुते जुया वनेत सत्यया मार्गे वनेनु ॥

स्वागतम् स्वागतम् स्वागतम् थुगु विहारे ।

सरण वनेमाल

दँ दँ पासापिं ? ह्याउँ निभा तोल ।

बुद्धया उपदेश न्यं वने त्यल ॥

मनुष्यया जन्म सार यायेत

न्यागू शिक्षा काःवने त्यल ॥

ज्ञानया मिखां स्वयाः, धर्म खंके माल

न्ह्योकुलु जुइमजिल, न्ह्योलं चाय्के माल ॥

शुद्धगु लँपु ज्वनाः सरण वनेमाल

अन्याय अकृति हाकृतिने माल ॥

बुद्ध-धर्म-संघया शरण वनेमाल

थन शान्ति मदयाः हैरान जुल ॥

अशान्ति जक थन फैले जुल

भगवान् बुद्ध बिनाः शरण मन्त ॥

भी सकले बुद्धया शरण वनेवा

धर्मया शरणे भी वनेवा

संघया शरणै भी वनेवा ॥

बांमला:गु

वनेनु वनेनु पासापिं भीपिं फुकं मुना:
न्हूगु युग हनेत प्रेम प्रेमया ल्हा: ज्वजलपा ॥

मभिंगु बांमला:गु फुकं हाकुतिना छोयेनु
बुद्ध भीत न्वानाबिज्या:थें, भिंगु शिक्षा ब्वनेवा ॥

भी भी सकलें छम्हहे जुया:, मभिंगु न्हंकेवा
दु:ख जुया: खोयाच्चंपिन्त न्हिइका बिइ फयेकेवा ॥

दु:ख व सुख वयाच्चनी वनां च्वनी
खुसिइ न्ह्याइगु ल: समान वनाच्चनी ॥

छन्हु भीपिं सीमानि धैगु सिइका च्वनेवा
बुद्ध भगवानया शरण वना: मभिंगु ज्या फुक्क तोतेवा ॥

धर्म कीर्ति ! धर्म कीर्ति

धर्म कीर्ति ! धर्म कीर्ति !! जितः माया या ।

मनुष्य जीवनया मू पूर्वका ब्यु ॥

बेहोस जुइका च्वनाम्ह जि याकनं होसे वयेका ब्यु ।

खतं नःगु नुगले प्रज्ञाया चिकं प्वंका ब्यु ॥ धु ॥

धैर्य यायेगु सहनशक्ति दय्केगु स्यनाब्यु ।

संयमी, विचार दैगु शक्ति जितः ब्यु

दुःख सुखय् समानता जितः स्यना ब्यु ॥

बुद्ध, धर्म, संघ व मां-बौ गुरु ज्ञाति बन्धुपिन्त ।

अनुशासन व विनयले च्वनेगु स्यना ब्यु

गलित छुं जूसा बांलाक न्वाना ब्यु ॥

दुनेया हाकु नुगःयात शुद्ध याना ब्यु ।

दुने दुनेया चित्तयात दुन्यथ्यंक थ्यंका ब्यु ॥ धु ॥

मनया बहिली

भयया भैरव हाकृतिना व छोया
जिमि मनसं ह्वःग ध्व स्वाँन ध्वयाः ॥ धु ॥

पुजा याये थनि फुक पासा मुनाः ।
मनया बहिली भगवान स्वनाः ॥ १ ॥

फ्यतुनाः क्वच्छुनाः भगवान दुधाय् ।
नुगले यचुकाः पिचुकाः भिंगु थनाः ॥

धव ल्हाः बिन्तियानाः पूजा यायेत सकल मुनाः
मनया बहिली भगवान स्वनाः ॥ २ ॥

धनयागु अशान्ति फुकाव छोयाः ।
शुभ शान्ति निलमल ज्वीके धकाः ॥

जिमिसं पूजायाये मन प्रसन्न जुयाः ।
मनया बहिली भगवान स्वनाः ॥ ३ ॥

फुककसियां फुकक पाप व दुःख फुनाः ।
वनेमाल धकाः गौतम बुद्धया शरण वया ॥

शुव नन-खंकेनन

धरुन कुक डुवुडु डुवुडु कुडुवु
ललडुडु नुनलु धरुन
खंके डुडुसल दडुडु कडुन नं ॥

लुडुडु नडुडुडु डुडुडुडु
दुडुडु नडुडुडु डुडुडुडु
डुडुडुडु नडुडुडु डुडुडुडु ॥

धरुनकुक डुवुडु डुवुडु कुडुवु
ललडुडु कडुनु डुडुडुडु
खंके डुडुडु डुडुडुडु नं ॥

डुडुडुडु नडुडुडु डुडुडुडु तडुडुडुडु
नडुडुडु डुडुडु डुडुडुडु डुडुडुडु
खंके डुडुडु डुडुडुडु डुडुडुडु ॥

खंके कुनुडु, डु डुडुडु, डुडुडु डु डुडुडु नं !

म्ये हालाः शरण वये

हाले म्ये भीसं बुद्धया गुणया म्ये
जय जय जय हे बुद्ध धर्म संघ शरणे ॥

सुन्दर शान्तम्ह बुद्ध, शरण वने जिपिं
गन गन बुद्धया रश्मिया जः दु ॥

अन अन जिपिं म्ये हालाः शरण वये
लुम्बिनी वनसं जन्म जुल अतिकं हर्ष जुल ॥

आकासनं स्वाँवा गाल, इन्द्रनं छत्रं कुइकल
हिमाल परबत न्हिला हल ब्रम्हादेवं फया काल ॥

विश्वया लहरं छाल, न्हापालाक बुद्ध नेपाले बुल ...
ज्ञान मदुपिन्त ज्ञान बिइत, बुद्धया रश्मिं खयेकल रश्मिं ॥

शुद्धगु नेपाः धकाः शास्तां थुइकल ।
भी नेपाःमि फुक्क मुनाः वैशाखपूर्णिमा हनेत वा ॥

विश्व हे लहरं छाल

प्वाथे दुम्ह मायादेवी थ्यंकः वल लुम्बनीसं
त्यानु लंकेतः फेतुनाः, सिमासं लिधनाः ऽ....

प्वाथे स्यानाः अनहे सिमाकचा ज्वनाः
पुत्ररत्न जन्म जुल, वैशाख पूर्णिया दिनसं ...

छुते जुइसाथं पलाःछिनाः, न्हयपलाः न्ह्यात ... !
न्हयपलाःया न्हयफो पलेस्वां, बुयावल स्वांनं

प्यंगू दिशा स्वयाः न्वँवात पतिं धःस्वाकाः
अग्रो जेट्ठो, सेट्ठो, हमस्मी, लोकस्सः ऽ....

विश्वया शान्तिया नायो सिद्धार्थ
जन्म जूगु खनाः, देवतापिं हर्ष जुल !

लोक जक मखु खनी, पृथ्वी समेत खुशि जुल
हर्ष जुयाः पृथ्वी हे गद् गद् जुयाः भुखाय् ब्वल ।

बुद्धया शिक्षा

गुजागु थ्व बुद्धया शिक्षा,
ज्ञानया मतं खंका कया,
त्रिरत्नया मतं खंका कया,
दुःखं भीषिं मुक्त जुइनु ॥

सर्वज्ञ ज्ञान प्राप्त याःम्ह,
बुद्धया शिक्षा अनुशरण यानाः
राग, द्वेष, मोह फुकाः
शरण वनेनु भी बुद्धया ॥

गृहस्थ जीवन भिंका वनेत,
हिंसा मयायेगु दिक्षा कयाः,
धर्म प्रचार भीसं निहथं यानाः,
थःगु आचरण भिंका वनेनु ॥

जन्म, मरणं मुक्त जुइत,
मदय्कं मगाःगु बुद्धया शिक्षा
निहथं भीसं पालन यानाः
अरहत् मार्ग थ्यंके नु ॥

लुमंके वा

नेपाःमि वा नेपाः म्हसीके वा
शुद्ध बुद्धया जयन्ती हने वा ॥

पतिं धस्वाकाः जन्म जूम्ह बुद्धया
लुम्बिनी भीसं नं लुमंके वा ॥

न्हूगु जः भीसं नं लुइके वा
वैशाख पुन्ही थौ मुनाः वने वा ॥

भीगु सप्तपुरया बुद्ध लुमंकाः
शाक्यमुनियाके सरण वने वा ॥

बेहोस मजुसे न्ह्यलं चायेके वा
मिखा दयाःनं कां मजुइ वा ॥

बुद्धया अंग ल्यंका तये वा
भी भी फुक्क मिले जुये वा ॥

थव संसार

होस मदयेका: थव जीवन तंका:
छुं नं मसीका: थ:गु जीवन तंका: ॥

लुफिं हाका: थ:गु तुति तक्कंका:
जि जिगु धका: होस तंका: ॥

जि सु गन जि धैगु लोमंका:
ध्यान मनहे नाश यायेमते स्व !

ध्यान भिंगु लुइका: मनू जुइगु
इच्छा या भावनायात शुद्ध याना: ॥

भगवान बुद्ध लुमंका: शरण वने
बिरामी जुइबले लुमंके फैमखु ॥

आ:हे भीसं यौवन दुबलय्
शाक्यमुनि बुद्धया धर्म का:वने ॥

रत्न त्रयाय

नमो रत्न त्रयाय मेव मदु जितः सुंनं
छलपोलया चरणया आसाय् च्वनाः (धु)

बुद्धरत्न धर्मरत्न, संघरत्न स्वम्हया ।
चरणस कोटि कोटि प्रणाम ॥ १ ॥

'छलपोलया नाम कास्य निर्मल यायेमफु
आव गथे याये धाधां धन्दा काकां ॥ २ ॥

तःधंगु दुःखं पाप फुतकाव बिओ जितः-
छलपोलया करुणा दयातयाओ ॥ ३ ॥

शुभ कुल शुभ गतिया थास बिओ वास जितः
लिपतस जन्म काये म्वाःक ॥ ४ ॥

तन मन थुलि जिनं फोना छिके न्हिथंन्हिथं नं
ल्हाकम्ह जि छुं नं मस्यूम्ह अनाथं ॥ ५ ॥

सुखया लँपु

चाव न्हिया ध्व धःचाः तुलाः थौ
भीगु ध्व जन्मया दिन वैथें
बुद्धया जन्म न्हि ध्यंकः वल
स्वांयापुन्हिया ध्व शुभदिनस ॥

महत्त्व ध्वीकाः स्वांयापुन्हिया
बुद्धया गुण लुमंकाव भीसं
जन्म जुयागु व्यर्थ मज्जीमा
बुद्धया शरण्य् भी वनेनु ॥

मद्वंक भीगु पलाः न्ह्यब्बेकाः
ल्याहां मवंस्य धर्मया लँपुइ
मनया क्लेश चायेका छुवयेनु
सम्यक् दृष्टि तयाः वनेनु ॥

दुःख धकाः भी हालां मजिल
दुःखया कारण ध्वीके माल
रोग म्हसिइकाः वासः नयेथें
दुःख फुकेत धर्म यायेनु ॥

त्रिरत्न सदां मने तथाः
सीमानि सत्य लुमंका कयाः
राग द्वेष व मोह मदयेकाः
शुद्धगु चित्तं धर्म यायेनु

भिंगु कर्तव्य ध्वहे खः भीगु
सकसिनं मने तयेमाःगु
ज्ञानं खंकाः विचार गाकाः
थुगु जन्म भीसं सफल यायेनु ॥



अय् ज्ञानी पासापिं

अय् ज्ञानी पासापिं ! नित्य मखु ध्व जगतय्
ध्व जीवन म्हंगस समान त्वःति अभिमान
न मांहे वइ न बौहे वइ सुंहे वइमखु अन्तय् भी नापं
जुइमखु थीर छुं हे, धन जन सुख सम्पत्ति—

त्वःताः छन्हु वने मानि ।

भगवान भजन याव बखते, श्रीभगवानया शरणय्
मनया मिखा चायेकाः त्वःता वनेमानि धैगु लुमंकाः
मनया भ्रान्ति चायेकाः सुख शान्ति दयेकाः जीवन अन थुइकेनु,
भीगु जीवन रत्न समान त्वःति अभिमान ॥

Dhamma.Digital

लुम्बिनी द्योःपिं

जन्म काःगु सीवं न्हापां लुम्बिनी बनेतुं द्योःपिं वयाः
प्रार्थना फक्व यात अन
ब्रम्हा, विष्णु, महादेव, शारदा, गणेशपिं सकलें
थःथःगु बाहनं क्वहां बिज्यानाः प्रार्थना फक्व यात ।
अपसरा गन्धर्वत प्याखं हुलाः म्ये हाहां
स्वर्गनं स्वां वा गाकाः प्रार्थना फक्को यात अन



लुम्बिनी

जिगु देश नेपाःया थ्व गर्भ, छ खः लुम्बिनी ...
विश्वे न्यंकं दु धन्य लुम्बिनी (धु)

लोमन छभाः धर्तिइ अय् गजाःगु गुम्म लुम्बिनी
इतिहास दुने मातुमालाः, मनुखं ल्वीकल लुम्बिनी

सुनसान भिभांदंगु थासं, भलमलं थित लुम्बिनी
सुगतया पाद स्पर्श चिंनं, नस्वाः ह्वल भन लुम्बिनी ॥ १ ॥

हृदय सुमन उत्सर्ग बीतः राजा प्रजा व लुम्बिनी
महसिइके दु विश्वे न्यंक धन्य, छ खः लुम्बिनी

बिइमदु बली, प्राणी हिंसा, भगवान् जन्म स्थल लुम्बिनी
हुइ हे मफैगु दु कीर्ति सदि, अशोक थां अन लुम्बिनी ॥ २ ॥

सदां बसन्त कर्णप्रियगु, चिरविर, चिरविर थ्वइगु लुम्बिनी
विश्व सम्पदाय् दुन्ता जूगु अहोभाग्य खः लुम्बिनी

महान् तीर्थ पवित्र स्थल, जिगु नेपाःया लुम्बिनी
महसिइकेगु दु विश्वे न्यंक, धन्य छ खः लुम्बिनी ॥ ३ ॥

फुक्क मन् बुद्ध जुउ वनेनु

फुक्क मन् आः बुद्ध जुउ वनेनु
शान्तिया लँपु लिनाः वनेनु
लुम्बिनीया ख्वाउँगु फसं
विश्वया क्वाःगु मदयेके नु ॥

दया तयाः करुणा बियाः फुकसितं
बुद्धया संदेश मनय् जायेका तये नु
शान्तगु लँय् दनाः, कं फुक्क चीके नु
मैत्री भावया स्वांमाः हनेगु स्वये नु ॥

पञ्चशीलया अर्थ थुइकाः
भीपिं सकलें वने नु
तयात तोता शान्ति ज्वनाः
ध्व भूमिं शान्ति बिये फयेमा ॥

प्राणीया हिबाः गनं मवयेमा
मखुगु खँ गनं लहाये म्वाःलेमा
जनया हित जुइगु स्वये दयेमा
कर्म भीगु भिंगु ज्वना वने दयेमा ॥

निर्भिकता हे निर्वाण थ्यनीगु लँपु

बुढा बुढी जुया वःसां ग्याय्मते छिकपिं
अन्न भखारी थें पुण्य सम्पत्ति यक्को दुपिं
जन्म जुलकि हे सकलें बुढा बुढी जुइपिं
मदुनि थौतक बुढा बुढी मज्जीक च्वने फुपिं ॥

अनन्त कल्पनिसें जन्म जुक्को प्राणीपिं
बुढाबुढी जुलकी सकलें सिनावने माःपिं
सीमानिगु देह ज्वनाः जन्म कयाच्वनापिं
सी धकाः छाया ग्याना च्वनेमाःगु भीपिं ॥

ग्याय्मते अजि, बाज्या, दाजु किजा तता केहेपिं
यक्को दान धर्म पुण्य कार्य याना च्वनादीपिं
भाग्यमानी खः छिकपिं बुद्ध धर्म संघया शरणे वनाच्वपिं
शील, समाधि व प्रज्ञा, ध्यान-भावना यानादीपिं ॥

धर्मकीर्ति विहारया श्रद्धावान् उपासक उपासिकापिं
थ्वहे जन्मे भव बन्धनं मुक्त जुयाः निर्वाण थ्यनेमा छिकपिं ॥

धर्म म्हसीके नु

मूलगु भाव थःके मदुम्हं

शान्तिया मार्ग गबले खनी ?

निगति धन हे त्याग मदुम्हं

निर्वाण मार्ग गबले खनी ॥

सम्यक् दृष्टि मने मदुम्हं

धर्म धयागु गबले म्हसी ॥

धर्म दइगु कर्म मस्यूम्हं

दुःखं गबले मुक्त जुइ ॥

पापया फल वैगु मस्यूम्हं

अधर्मी जुयाः कमे याइ ॥

मेगु जन्मे भोग यायेत

दुःखया पुसा ज्वनातुं वनी ॥

उकिं बुद्धं अनित्य खंकाः

भौतिक धन लोभ मयाःसे ॥

जन्म मरणं मुक्त जुइत

निर्वाण मार्ग ल्वीकाबिज्यात ॥

थुजाःगु ज्ञान कनाबिज्याःम्ह

बुद्ध म्हसीकाः शरण वनाः ॥

दुःखं मुक्त भी जुया च्वनेनु

बुद्धया शिक्षा पालन यानाः ॥

ज्ञानया मत

सयेकि सीकि याकनं थ्वीकि
नुगले दुने ज्ञानया मत च्याकि
थुगु जन्मे अनुभव यानाः
भविष्यया कर्म भिंका यंकि ॥ १ ॥

धौयागु दुःखया हेतु थ्वीकाः
राग, द्वेष व मोह मदय्कि
बदला कायेगु अभिमान तंकाः
सकसितं मैत्री भाव दयेकि ॥ २ ॥

धर्मया चित्त व्यवहारे छ्यलाः
मूलगु भाव मनय् दयेकि
लोभं दुगु दुःखत फुक्कं
त्यागया चित्तं सुख दयेकि ॥ ३ ॥

ज्याभः दयेकेत थःहे माः
थःत भिंकेत थःहे माः
धर्म धयागु छु खः म्हसिइकाः
बुद्धया शरणय् वने सयेकि ॥ ४ ॥

धम्मपदया आधारे

बुद्धया वाणी न्यनाव भीसं
शान्तिया लँय् जुये सयेकाः
सकस्यां कल्याण जुइगु खँ थुइकाः
जुयेनु ज्ञां-मिखा चायेकाः ॥ १ ॥

दुष्ट भावं दुष्ट हे यानाः
जुइमखु दुष्टया अन्त
मैत्रीया प्रेमं जक हे जुइगु खः
दुष्ट भावनां शान्ति गुबले जुइ ॥ २ ॥

प्राणी स्याइगु ज्या याना जुलसा
धाइमखु आर्य वयात
हिंसादि कर्म मयाइम्ह जक हे
धाये ल्वः आर्य वयात ॥ ३ ॥

अनित्य स्वभावं म्हसीका तये

थौ ज्यूपिनि कन्हे मज्यू
थौ चूपिनि कन्हे मचू
स्वभाव-धर्म थ्वीका काये ॥

थौ योपिं कन्हे मयो
थौ लोपिं कन्हे मलो
चाःहिलाच्च्वंगु घःचाः स्वये ॥

थौ बांलाःपिं कन्हे बांमलाः
थौ ताःलाःपिं कन्हे ताःमलाः
छकः वालाः स्वये ॥

थौ सःपिं कन्हे मसः
थौ नांजाःपिनि कन्हे मजाः
'सत्य नियम' म्हसीका तये ॥

थौ त्याःपिं कन्हे बू
थौ न्ह्यूपिं कन्हे ख्वः
दत्थु-लं वना स्वये ॥

बुद्धया शरण वये

भगवान बुद्ध लुमंकाः शरण वये
स्वांयापुन्हिसं जन्म जूगु लुमंकाः
मङ्गल-शुभदिन हनेत जिपिं वया
हिमालया पवित्र फसं गायेकाः ॥

जन्म, मरणया कं चिइकाः
निर्वाण मार्गया लँपु लुइकाः
द्यःव मनूया गुरु जूम्ह
गौतम बुद्धया शरण वने नु ॥

बौद्धया ध्वाँय् फर फर ब्वयेकाः
बुद्धया शिक्षा प्रचार यानाः
शान्तिया जः होलाः पुसा पिनाः
उत्सव यायेनु लय् लय् तायाः ॥

बुद्धया शिक्षा पालन यानाः
थः कतः सकलें भिनेमा धकाः
थुगु जन्म सफल यायेत
बुद्धया शरणय् भी वनेनु ॥

जीवन

सीमानि धैगु सीक सीकं
पाप भीसं यायेगु छाया
सुगति तोता: दुर्गति वनेगु
कार्य भीसं यायेगु छाया ?

धर्म तोता: पाप याना:
दुःख जुल थौ धायेगु छाया ?
दुःख सुखया हेतु ध्वीका:
ज्ञानं खंका: छाया मकाये ?

भीगु आयु नित्य मखु
सीके भीसं छाया मफुगु ?
ला:गु समये धर्म मया:सा
स्वर्ग भीपिं गथे वनी ?

अनित्य संसारयात ध्वीका:
बुद्धया धर्मय् भी छाया मवने
दुःख फुका: सुखया लँ हयेत
ज्या भीसं छाया मयाये ?

भम्बः लं स्वांया रस्, थुइका काइ
मनू जुयाः धर्मया रस् छाया मकायेगु
थुलिहे भीसं बास्या रस् मका.सा
मनूया जन्म व्यर्थय् हे नरकय् वनी ॥

शुद्ध मनं फुक्क थ्वीकाः
बुद्ध धर्म व संघया
शरण भी छाया मवने
दुःख जक सियाः छाया च्वने ॥

कर्मयात दोष बियां
स्वर्ग भी गथे वने खनी ?
कालयात दोष बिइवं
बीर भीपिं गय् जुइ ?

Dhamma.Digital

स्वागत दु गौतम बुद्ध

पञ्चशील व अष्टशीलया भखारीनापं
आर्य अष्टाङ्गिक मार्गया भांगया नापं

अमृतगु लःया धःनापं
स्वागत दु गौतम बुद्ध- २

नँः न्यायेथ्ये ध्वयेकाः मखु
शान्तिया स्वांजुयाः म्ये हालेवा ।

फिया द्वाँय् पलाः तये थें मखु
सितुघाँय्या मैदानय् थें याउँक वा ।

खिमिलाया रातय् खिउँकाः मखु
सुथसिया ह्याउँ निभालय् वा ।

हिंसा, द्वेष व क्लेश तयाः मखु
दया मायाया करुणा तयाः वा ।

फुक्क नाश यायेत एटम बम् ज्वनाः मखु
अहिंसाया पूजाभः ज्वनाः शान्ति यायेवा ।

विश्वशान्तिया नारा ध्वयेका गुंजय् याये वा
स्वागत दु गौतम बुद्ध !

वा वा गौतम बुद्ध सहर्ष स्वागत दु जिमिगु विहारय् ।

साधु भेष

छ भलादमी जुइमते, सत्ययात लोमंकाः
थःगु दोषयात तंकाः, साधु भेष जुइमते ९

जि जिहे धकाः यायेमते, जिं धैगु तःधं धकाः नं धायेमते
मेपिनिगु ज्यायात नं, तुच्छ भाःपिइमते (धु)

धायेमते थःगु ज्याजक, सफल धकाः नं धायेमते
थजःगु बानी त्वःता छो, घमन्डी जुयाः ज्या याये मते (धु)

कतःयागु दोषजक खंकाः, भलो भीत जुइमखु
कर्म जक दयेकाः जुइगु जुइ, कर्तु तंका च्वनेमाली ।

उकिं त्वःति मभिंगु कुबिचार कुनियत नं
थ्वहे जीवनय् शुद्ध जुयाः बुद्ध धर्म म्हसीके फयेकि ।

बुद्ध लुमंकाः

हुंकन खंला प्रभात मुसु मुसु न्हिलाः
स्वांयापुन्हीया उपहार ज्वनाः
शुभ-मङ्गल दिनयात, स्वागत यायेत
शुद्धगु हिमालया फसं गायेकाः ॥

निर्वाण मार्गया लँपु लुइकाः
जन्म मरणया जाल चीकाः
गौतम बुद्धया शरण वनेवा
फर फर बौद्धया ध्वाँय् ब्वयेकाः ॥

बुद्धया शिक्षा प्रचार यायेवा
शान्ति मार्गया पुसा ह्वलाः
उत्सव यायेनु लय्लय्तायाः
बुद्धया शिक्षा पालन यानाः ॥

थुगु जन्म सफल यायेवा ।
बुद्धया शरणय् भी वनेवा ॥

ज्ञानं थुइकि

रङ्गीचङ्गी ह्वइगु स्वांथें
ह्वयेकि नुगले धर्मया स्वां
बुंगाःचाय् लः बुइथें
बुइकि नुगले बुद्धि नं ॥

पक्षपात स्वैतं मयाःसें
सूर्यया तेजं खैगु थें
समान यायेमाः फुकसितं
ताल्लुइ तयाः लनेगु थें ॥

थी थी स्वांत ह्वइगु बगीचाय्
गथुं फुक उति हे खनेमाः
धर्मया क्यबे भम्बःया नं
यःगु स्वांया रस् काये दयेमाः ॥

सत्ययागु महत्त्व थुइकाः
धर्म छु खः म्हसीकेमा
हृदययागु मिखां स्वयेमाः
प्राणीया उपरे करुणा तयेमाः ॥

चायेक चायेकं दवंकाः थम्हं
निर्दोषी ज्वीगु स्वयेमते
भून्यायागु ज्ञान कयाः
कतिलाः पाकः जुइमते न्हां ॥

मानय् याके वा

पासा पासा मुनाः छथासं चवनेवा
न्ह्याइपुक च्वनाः बुद्धया म्ये हाले वा ।
अल्सी जुइगु बानियात हाकृतिने वा
न्ह्याबलेसं फुर्ति पिज्वयेके वा ॥

सुथ न्हापां दनाः, शील प्रार्थना यानाः
सफू म्हिचा कुबियाः ब्वने क्वथाय् वनेवा ।
गुरु बाः मांपिंके मस्यूगु न्यनेवा
स्यूगु खँयात लुमंका तये वा ॥

वावा पासापिं सकलें ज्ञान लायेवा
ल्वापुख्यापु मयास्य, नुगले दुने भिंके वा ।
ब्वनाः चोयाः भी फुक्क ज्ञानी जुयेवा
सकसिनं भीत मानय् याके वा ॥

अनित्य लुमंकाः

छुयाये छुयाये जुजुं फुत हाः जवानी
थाःगाः मदुगु संसारया कहानी ।

गनं वया गन वनेगु धाये मफु सुनानं
यत्तले योथे सना जुइगु बानी तंके मफु ।

तृष्णायागु बसे जुयाः भाःपिइ मफु सुनानं
आखिर वृद्धावस्थाय् फुक्क अङ्ग तोताहल ।

अन्तिम अवस्थाय् सुंमदु सुयातं
वनेमानी याकःचा, थःगुहे भरोसां ।

Dhamma.Digital

नरसिंह-यशोधराया मिखाय्

वच्चुस्य चुलुगु सँ कुल्कुलि चिंम्ह,
सूर्य समानं कपा: चचिकंम्ह ।
न्हातिका छाइस्य यच्चुस्य च्वंम्ह,
सीकि पुता छिमि बौ नरसिंह ॥ १ ॥

नाइस्य क्यातुस्य सँ भिंगु थुम्ह
शुद्ध लुँ थें उन निर्मल जूम्ह ।
मी पन्य धुंगु लुँ थें जुल न्हाय्पं
सीकि पुता थुम्ह बौ जुल छंम्ह ॥ २ ॥

छाइस्य न्हाय् तिकि हे ननिथें च्वं
सा चिकिधीम्ह थज:गु मिखा नं ।
चा:तु मिखाफुसि जा:गु कपंथें
सीकि पुता थुम्ह बौ जुल छंम्ह ॥ ३ ॥

स: थुलि यैपुगु क्यातुस्य नायु
हिंगुलि वर्ण म्य, म्हुतुसि व थेंतुं ।
त्वैस्य च्वना: यचु, पीपु निइव: वा
सीकि पुता थुम्ह बौ जुल छंम्ह ॥ ४ ॥

छिगुहे शरणे

भगवानया शरणय् वयाच्चना
जिगु विन्ति ध्वहे खः स्वयादिसँ ॥

मांयागु गर्भसं पिहां वयाः
भगवानया नां काये धकाः ।
छन्हु ध्व फुक्कं तोता वनेमानि
जिगु धैगु छु दु सीके मानि ॥ १ ॥

न्हापा सुखसियाः थौं दुःख जुल
भगवान छिगुहे शरण वया ।
जिगु जीवन थौं ला व्यर्थ जुल
सुख शान्ति मदु थन जीवनया ॥ २ ॥

बुद्धया नां काये धकाः
विहारे थौं वयाच्चना ।
जितः दुःखया जाले क्यंकातल
थौं जालसं मुक्त जुये माल ॥ ३ ॥

यंकेगु मदु छुं हे

भगवानया नाम कयाः जिगु प्राण तोते दयेमा
दुःखि जुयाच्चवना, प्रभु नं कृपा तयेमा (धु)

विहारे वनाच्चवना भगवानया ज्ञान कायेत
दुःखि अनाथ उपरे सेवा याये दयेमा ॥ १ ॥

जिगु शत्रु सुंहे दःसा दयातये फयेमा
भगवान माला जुया, लुइके मफयाच्चवना ॥ २ ॥

संसारे वयाच्चवना छन्हु तोता वनेमानि
थुजाःगु भीगु जुनि सीके मफया चवना ॥ ३ ॥

बुद्धया गुणगान

हाले मे भीपिं फुकं मुनाः बुद्धया नाम कयाः
दाजु किजा तता केहें थौं थन च्वनाः
हर्ष मनय् तयाः न्हिलाः न्हिलाः (धु)

विश्वय् न्यंक न्यंगु थ्व धर्म
सिद्धगु खः दुःखि प्राणिया मर्म
थुजाःगु ज्ञान कनाबिज्याःमह
सिद्धार्थ गौतम बुद्ध धयाम्ह ॥ १ ॥

माया मोह त्वःताः एकान्त च्वनाः
मारगणपिन्त जितय् यानाः
हिंसाया बदला अहिंसा क्यंमह
विश्वशान्तिया जग हःमह ॥ २ ॥

बोधिवृक्ष सिमाक्वय् च्वनाः
समाधि यानाः ज्ञान लानाः
अपार महिमा त्वःताब्यूमह
भगवान् बुद्धया उपाधि काःमह ॥ ३ ॥

निर्मल जल थें मन शुद्धम्ह
पक्ष विपक्ष सुंहे मदुम्ह
भविष्य उज्ज्वल निर्माण याःम्ह
मुक्तिया मार्ग न्ह्यब्बया ब्यूम्ह
हर्ष मनय् तयाः न्हिलाः न्हिलाः ॥ ४ ॥

स्वागतम्

भिंगु भावना स्वांमालं-स्वागतम्
विश्वय् दक्व मनूतय्त शीलं स्वागतम्

पञ्चशीले सकलें तयेत ।
भय मदुगु सुख धार्थें बिइत

जनजीवनया भिंगु कामनासं ९
शान्तिया भावनाय् स्वागतम्, स्वागतम्, ३

त्रिरत्न

बुद्धया शरण भी वनेनु
स्वां छफोसां श्रद्धा तया: (धु)
चित्त भीगु शुद्ध या: वनेनु
कायेगु जक मखु बी नं सयेका:
दुगु बिया: मन स्वां ह्वयेकेनु ॥ धु ॥ (नु)

तोपुयाच्चंगु सुपाँय् चीका:
यचुका: क्यंम्ह तिमिला थें
सम्यक् मार्ग लँ थ्वहे धका:
निर्वाणया लँपु क्यना ब्यूम्ह ॥ धु ॥

सितिकं समय वां छ्वयेमते
धर्मया छलफल भीसं याना:
ईया मूल्य म्हसीका: भीसं
जीवन न्ह्याकागु सार याये (धु)
बुद्धया

संखधरया शंख-सः

सर्गतय् थौं छाय् नसंचां
तुइक, धवः क्यू क्णू वःगु रे
न्हूदँया जुइमाः सखे वं
भिन्तुना ब्यूवःगु रे ॥

वल अहा ! सो गमक वलरे
तःसि नस्वाः वःगु फय्
धुन धनासिरियागु सःथें
ताःयदु बुलुहुं ध्वःगु बय् ॥

तुइस्य यच्चुम्ह सो बखुं छम्ह
ख्युं-गलं ब्वैवःगु रे
तन बखुं अन मन्त स्वस्वं
सूर्य का त्वैवःगु रे ॥

सूर्य नं स्वस्वं मिखा थौं
गय् भुलं जिगु नःगु रे
खन अहो ! जिं शंखधर
हे, शंख पुपु वःगु रे ॥

स्वां-सि लावं स्वयेव भं हे
हलललं का ह्वःगु रे
किन्तु जिमिखां ख्वाति धिकंधी
धरररं का वःगु रे !

ज्ञानया लँपु

मनूया जीवन ताःलाकेगु खःसा
चाल चलनस्वभाव बांलाये हे माः
थुलिया लिसें मेगु नं छता
पञ्चशीलया ज्ञान नं दये हे माः ॥

निर्वाणया त्वाथः गयेगु खःसा
उत्पत्ति विनाश धर्म थुइके हे माः
उत्पत्ति विनाश धर्म थुइकेगु खःसा
ध्यान भावना याये सये हे माः ॥

अति चञ्चलगु थःगु मनया
स्वभाव थम्हं थुइके हे माः
प्रज्ञाया लँपु चायेकेगु ताःचा
थ्वहे खः बांलाक सीके हे माः

शील समाधि प्राप्तिया लँपु
स्वभाव धर्म म्हसीकेगु खः
निर्मल स्थीर मनया दथुइ
स्वभाव धर्म थुइगु खः ॥

शीले च्वना

जीवन ध्व जाया तेज दुबले
बुद्धया शरणं वनेगु ध्व इले (धु)

मदु थन मेगु भरोसा जगते ऽ
धर्मया शरण वनाः कीर्ति तये ॥ २ ॥

मुनिवर बुद्धं दुःखिपिन्त हे ।
ज्ञानदान व्यूगु मनखं स्व ॥

शीले च्वना थःनं जीवन भिंके ।
मभिंगु फुकं थन चीकाः वांछोये ॥ ३ ॥

जन्मया सार धर्म म्हसीकाः ।
न्ह्याबलें शान्ति व लायेगु स्वये ॥ ४ ॥

बुद्ध वन्दना

स्वांयापुन्हि थें थीगु कपाः
सिच्चुक पलेस्वां ह्वैगु मिखा
न्हिथं लुमंकाः लोकेश्वरया
ध्यान निरन्तर याये फयेमा ॥
दुःखसां सुखसां न्ह्याबलें भीसं
बुद्धया शिक्षा काये फयेमा ॥ १ ॥

हाःनाः मदुपिनि बन्धु जुयाः
करुण-रसया सिन्धु जुयाः
कृपा तैम्ह थुम्ह धर्म-प्राणया
न्ह्याबलें स्मरण याये फयेमा ॥
दुःखसां सुखसां न्ह्याबलें भीसं
बुद्ध म्हसीके फयेमा ॥ २ ॥

त्याग व तपया तेज क्यानाः
माया-मोहया जाल फ्यनाः
ज्ञान बीम्ह थुम्ह ज्ञानज्योतिया
दर्शन न्ह्याबलें याये दयेमा ॥
दुःखसां सुखसां न्ह्याबलें भीसं
बुद्धं क्यांगु लँपुइ वने फयेमा ॥ ३ ॥

भङ्गीगु कर्तव्य

भङ्गीसं हालागु ज्ञानमाला म्ये
भङ्गीत भङ्गीङ्गीगु धर्मया लँय्
वनेगु भङ्गीपिं लय्लय् तायाः
न्ट्याकेगु जीवन भङ्गीगु लँय् ॥

नगुया पुचले तिमिला थी थें
थिनाच्चन बुद्ध मानव लोके
खनाच्चंगु भङ्गीसं बुद्धया शिक्षा
थिनाच्चन भङ्गीगु थ्व लोके ॥

स्यनातःपिं भङ्गीगःत हाले थें
हा जक हालां मजिल भङ्गी
थुङ्गीकाः ज्ञानं म्येया धापू
मद्वंक जीवन न्ट्याकेनु भङ्गीसं ॥

रङ्गीचङ्गीगु स्वांमाः क्वखाये थें
ज्ञानया माला भङ्गीसं क्वखायाः
येकाः स्वांया रस कायेथें
हाला थें ल्वयेकाः भङ्गी वनेनु ॥

थतः थमं खंकाः भिंका वनाः
न्त्याकागु जीवन सफल यानाः
गुरु जुये सःथें शिष्य ज्वी मसः
धायेका च्वने भी म्वालेमा ॥

बुद्धया शान्ति सन्देश न्यंकाः
धर्मया अमृत रस त्वंकाः
संघया शान्ति क्षेत्र दयेकाः
त्रिरत्न भजन प्रचार यायेनु ॥



कर्मया शीला

वये धुन थ्व भूमिइ, बांलाक सीकि
धन च्वंवैपिं परदेशी भीपिं,
मूखँ भीसं थ्व बांलाक थुइकि
म्वायेगु हे खः जीवन सीकि ॥

जन्म-मरण खः अनन्त यात्रा
भीगु धर्म खः बुद्ध धर्म स्यंवा
सार थ्व दुनिया सीकाः थुलिहे
खः निन्हु बांलाक लुमंकाः म्वायेगु ॥

यत्तले च्वने दैमखु थुगु बाय्छेंय्
दना हुँ धालकि तुरुन्त वनेमाः
कर्मया लीला सुनां छु धाये फु
धाथें कर्मया लीलाय् भी च्वनेमाः ॥ धु ॥

श्रद्धाञ्जलि देछा

सीमानि भी सीमानि भी, छन्हु अवश्यं सीमानि ।

सूर्य लूम्ह बिना वनी थें, तिमिला तोगु बिना वनी थें ।

जन्म जुक्व प्राणिपिं फुक, छन्हु अवश्यं सीतिनि ॥

सी मयोसां मृत्युराजं, स्वैतनं तोतीमखु ।

न्ह्याक्व धन, जन, मान दःसां, फुकक तोता वनेमानि ॥

घ्यः इताः दुगु मत जुयाः नं, फय् वयाः सी थें नतुं ।

पूर्ण आयु दुसां बिचे हे, सी अकालं छुं जुयाः ॥

घ्यः फुनाः व इताः फुनाः सी थें नतुं मत सीगु थें ।

आयु दतले भी म्वानानं, छन्हु, अवश्यं सीमानि ॥

मित्र बन्धु सीगु खंकाः, छन्हु जि नं सीमानि धकाः ।

सी खनाः भी ग्याइगुयात, मग्याकेत छुं यायेगुसा ॥

भिंगु ज्या भिंगु खँ भिंगु, कल्पना याये फयेकेनु ।

भिंम्ह धायेकाः दुःख मस्यूसे, अःपुक सी दयेकेनु ॥

सीमानि धैगु लुमंकाः, लोभ यायेमखु स्वैगुनं ।

क्रोध यायेमखु मैत्री दयेके, ज्वीमखु अज्ञानी नं ॥

इर्ष्या तोताः परया द्रब्ये, हर्ष ज्वी बरु सयेकेनु ।

बल व धनया घमण्ड तोताः, सरल ज्वीगु सयेकेनु ॥

न्ह्याक्व ख्वःसां सीम्ह प्राणी, वैमखु ल्याहां गुबलसं ।
वैगु गुणत स्मरण याये नु, पुण्य बी नु फक्वनं ॥
मदुम्ह मित्रयात जिं नं थौ, श्रद्धाया स्वां माःहनाः ।
यचुगु नुगलं सुगति कामना, पद्यद्वारा दोहलपा ॥

Dhamma.D - धर्मरत्न शाक्य 'त्रिशूली'